

GEMEENTEBULLETIN

19 FEBRUARIE 2021



AANLYN EREDIENSTE

- Die oggend- en gesinsdiens is slegs aanlyn beskikbaar en word nie tans in die kerkgebou aangebied nie. Beide die dienste word direk uitgesaai. Ons besef dat die verandering in eredienstye vir lidmate 'n aanpassing is, maar die onsekerheid wat die pandemie skep, bemoeilik die voortuitbeplanning van eredienste. Ons wil graag 'n struktuur skep waarbinne ons maklik tussen die verskillende vlakke van inperking kan beweeg en wat dit vir ons moontlik maak om al vier ons eredienste te hervat.
- 20 kerkgangers kan die meditatiewe diens om 09:00 in die kapel bywoon en die opname van die meditatiewe diens sal vanaf 11:00 aanlyn beskikbaar wees.
- Indien die oggenddiens se tydgleuf jou nie pas nie, oorweeg dit om by die familiediens in te skakel. Dit is nie net op gesinne en kinders gemik nie.
- Onthou asseblief dat die opnames van al die eredienste 'n uur na die direkte uitsendings aanlyn beskikbaar is en kan dan enige dag en tyd gekyk word.

21 Februarie 2021

Oggenddiens direkte uitsending 08:30 | Ds. Callie Visagie
Meditatiewe diens 09:00 (kapel) | Aanlyn 11:00 | Ds. Dietmann
Familiediens direkte uitsending 09:30 | Ds. Marius Breytenbach
Jeugdiens direkte uitsending 18:00 | Ds. Hanno Ackerman

NAVRAE

021 976 4519

081 045 2428

navrae@stellenberg.co.za

www.stellenberg.co.za

DAAGLIKSE

STEMBOODSKAPPE

Indien jy graag na die daaglikse boodskap ('n stemopname deur leraars) op jou selfoon wil luister, stuur asb. 'n WhatsApp, of 'n Telegram-boodskap met jou *naam + van + stemboodskap* na 081 045 2428.

GEMEENTE-SELFOON

Die gemeente het nou 'n selfoonnommer 081 045 2428.

Navrae kan per WhatsApp of Telegram na dié nommer gestuur word.

KATEGESE

Ouers en graad 1's tot 7's word uitgenooi om na afloop van die familiediens (10:10) by die aanlyn kategeseaanbieding aan te sluit. Gebruik die volgende Zoom-skakel om by die informele gespreksgroep aan te sluit: <https://zoom.us/j/96037194877>.

Ons wil die Annibrand Junior-groep aanmoedig om by die aanlyn kategese in te skakel. Daar is baie interaktiewe aktiwiteite wat deelname aanmoedig en ouers hoef nie bekommerd te wees dat hulle self die praatwerk moet doen nie. Diegene wat reeds deelneem, geniet dit baie.

Besprekingsmateriaal vir die Annibrand Junior-gespreksgroepe is op www.stellenberg.co.za beskikbaar.

Tieners kan na afloop van die Relevantdiens om 18:00 aan die Zoom-byeenkomste deelneem. Met die aanpassing van die Covid-regulasies sal graadgroepe om die beurt uitgenooi word om die gespreksgroepe in die kerk by te woon. Meer inligting op die Relevant-webwerf.

KATEGESE-INSKRYWINGS VIR 2021

Inskrywing vir kategese vind vanjaar slegs aanlyn plaas. Besoek asb. ons webwerf (www.stellenberg.co.za) om jou kind/tiener in te skryf. Almal moet asseblief inskryf, al was jy voorheen by die kategese ingeskakel, sodat ons kan beplan vir hoeveel kinders/tieners ons lesmateriaal, ens. moet voorberei. Ons sal dit waardeer indien almal die aanlyn inskrywings voor einde Februarie 2021 afhandel.

GRATIS BYBELLEES-HANDLEIDINGS

Ons wil lidmate uitdaag om hierdie jaar die Bybel van voor tot agter deur te lees. Die Bybel is ook vanjaar ons sentrale tema met die oog op preke. Jy kan jou eie Bybelvertaling gebruik om by Bybelleesprojek in te skakel, maar ons beveel tog aan dat lidmate die nuwe vertaling bekom.

'n Gratis Bybelleesgids kan by die kerkkantoor (weeke dae tussen 08:00 en 14:00) afgehaal word.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

ELEKTRONIESE NUUS

Maak seker dat jy elektroniese nuus van die gemeente ontvang. Jy kan die bulletin, asook die skakel na die aanlyn eredienste weekliks per e-pos ontvang, asook die gemeente se maandelikse nuusblad, *Stellenberger*. Stuur jou e-posadres na sanel@stellenberg.co.za om op die verspreidingslys geplaas te word.

DIE GEMEENTE HET 'N SELFOONNOMMER

Die gemeente se nuwe selfoonnommer is 081 045 2428. Jy kan navrae per WhatsApp-, of 'n Telegramboodskap na die nommer stuur. Neem asb. kennis dat die WhatsApp- en Telegramgroepe waarop dagstukke, asook die bulletin en skakel na die oggenddiens versprei word, nou ook aan dié nommer gekoppel, is.

Ons vra om verskoning indien jou selnommer met die oorskakelingsproses na die gemeente se selfoon verlore geraak het, of as jy per ongeluk van die groep verwyder is. Stel ons asseblief so gou moontlik per WhatsApp, of Telegram daarvan in kennis sodat ons dit kan regstel.

NUUTSTE UITGAWE VAN STELLENBERGER

Die Februarie-uitgawe van die Stellenberger is nou beskikbaar. Moenie die nuusblad propvol gemeentenuus en getuienisse van lidmate mis nie. Lees die *Stellenberger* op www.stellenberg.co.za. Harde kopieë kan ook by die kerkkantoor afgehaal word. Indien jy nie die nuusblad per e-pos ontvang nie, stuur asb. 'n e-pos aan sanel@stellenberg.co.za sodat jy op die verspreidingslys geplaas kan word.

ONDERSTEUNING AAN LIDMATE

Ons wil graag waar moontlik mense wat siek is, asook hulle gesinne, ondersteun en versoek dat lidmate asseblief vir ds. René Potgieter in kennis stel indien u weet van 'n vriend, familielid, of iemand in die onmiddellike omgewing wat ernstig siek is. Kontak ds. René Potgieter by rene@stellenberg.co.za/ 079 893 8104.

ONS GAAN IN APRILMAAND BASAAR HOU

Die jaarlikse basaar verskuif voorlopig vanaf Vrydag 5 Maart na Vrydag 16 April 2021. Maak asseblief 'n aantekening in jou dagboek.

Maryna Steenkamp het die afgelope 20 jaar as konvenor van die witolifantafel opgetree, maar het in 2020 uitgetree. Ons is op soek na 'n opvolger vir haar. Indien jy bereid is om te help, kontak asb. vir Deon Maree by 082 869 0364.

EDELWEISS

BYBELSTUDIE

Donderdag

25 Feb. 14:30

Spreuke 24: Oppas vir slegte mense en skelms . . .

HUISDIENS

28 Feb. 18:00

Lukas 5:17-26:

Liefde wen.

(Geen Nagmaal weens Covid-19).

SKAKELS NA AANLYN

EREDIENSTE

Wil jy graag na die aanlyn eredienste op jou selfoon kyk? WhatsApp, of stuur 'n Telegramboodskap na

081 045 2428

met jou naam + van + aanlyn eredienste. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

FINANSIËLE BYDRAES

Leraars en die kerkraad is opreg dankbaar teenoor lidmate wat die gemeente se werksaamhede finansiëel ondersteun, te midde van die finansiële uitdagings wat die Covid-19-pandemie ook aan lidmate stel. Bydraes kan soos volg gemaak word:

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word. Die posbus word daaglik leeggemaak.

SnapScan



ALMANAKKE 2021

Almanakke kan weksdae tussen 08:00 en 14:00 by die kerkkantoor afgehaal word. Neem asseblief kennis dat die jaarbeplanning wat op die almanak uiteengesit is, onderhewig is aan Covid-19-inperkingsmaatreëls en aanpassings rakende eredienste, kategeese en gemeentebyeenkomste sal op die webwerf en bulletin aangekondig word.

TIENDEMAANDINSAMELING 2020 TOT 2021

Ons gee met dankbaarheid terugvoer rakende die tiendemaandinsameling wat jaarliks een van ons gemeente se grootste insamelingsprojekte is. Dié insameling se bydraes word uitsluitlik vir die gemeente se werksaamhede benut. Na aanleiding van die impak wat weens die Covid-19-pandemie verwag is, is die begrote bedrag vir die insameling na R930 000 aangepas. Tans is R1 181 280 reeds ingesamel wat die begrote bedrag dus met R251 280 oorskry.

Ons is opreg dankbaar teenoor elke lidmaat wat reeds 'n bydrae gemaak het. Bydraes vir die tiendemaandinsameling kan tot einde Februarie inbetaal word.

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

WHATSAPP-GROEPE

Lidmate wat verkies om voortaan nie meer die WhatsApp-toepassing op hulle slimfone te gebruik nie, kan die bulletin, die skakel na die preke, of die daaglikse stemboodskap, ook deur middel van die Telegram-toepassing op hulle slimfone ontvang.

Die gemeente se WhatsApp-groepe sal egter voortgaan en lidmate wat aanhou om die WhatsApp-toepassing te gebruik, sal steeds die bulletin en die skakel na eredienste weekliks op Vrydae en die stembodskappe daaglik per WhatsApp ontvang.